



COMUNU DE CABUDERRA

Tzitadi Metropolitana de Casteddu

DELIBERATZIONI DE SA GIUNTA COMUNALI

N. 25 DE SU 15/02/2023

OGETU: SERVÌTZIU RISTORATZIONI SCOLÀSTICA - CUNFIRMA CUOTAS DE CONTRIBUTZIONI PO IS IMPITADORIS - A.S. 2023-2024 .

S' annu 2023, su 15 de su mesi de Friàrgiu a ora de is 13.00, in sa residèntzia comunali, cunvocada a manera amesturada presèntzia/videocunferèntzia cunforma a su Regulamentu Comunali po sa modalidadi telemàtica, s' est atobiada sa Giunta Comunali cun is personis chi s'ghint:

Nòmmini e Sangunau

Beniamino Garau
Dessì Donatella
Frongia Pietro
Montis Giovanni
Sorgia Silvia
Solinas Marco
Garone Katuscia

Càrriga

Sìndigu
Assessori
Assessori
Assessori
Assessori
Assessori
Assessori

Presenti

Eja
Eja
Eja
Eja
Eja
Eja
Eja

Presentis: 7

Ausentis: 0

Pigat parti a sa setziada su Segretàriu Generali Sa Dotora Felicina Deplano.

Su Sìndigu, Beniamino Garau, ndi liat sa presidèntzia e de chi at averiguau su nùmeru de is presentis, decrarat aberta s' adunàntzia.

SA GIUNTA COMUNALI

Postu chi sa Lei Regionali n. 31 de su 1984 in s' art. 2, lit. b), in s' art. 6, lit. b), e in s' art. 8 promovit e favoressit su svilupu de sa scola a tempus prenu e a tempus perlongau finas gràtzias a su servìtziu de ristoratzioni scolàstica de parti de is comunus po nc' assigurai s' esercìtziu de su diritu a su stùdiu e po parai fronti a su fenòmenu de sa dispersioni scolàstica;

Ca su Servìtziu de Ristoratzioni scolàstica:

- est un' oportunitadi po ponni in acòrdiu sa famìllia e su traballu;
- punnat a finalidadis educativas de importu finas promovendi s' alimentatzioni sana, gràtzias a s'oferta de menù aprovas de su Dipartimentu de preventzioni ATS;
- avalorat su ruolu sotziali e inclusivu de sa scola finas gosendi de unu momentu praxili candu si papat;

Postu chi is Scolas de s' Infàntzia e Primàrias de su Comunu de Cabuderra tenint su Servìtziu de Ristoratzioni scolàstica, po is scientis de is setzionis a tempus intreu;

Biu s'art. 172 de su T.U. de is Leis asuba de s' ordinamentu de is Entis Localis n. 267 de su 18/08/2000 chi previdit de nci ponni in acàpiu a su bilàntziu de previsionis finas is deliberatzionis chi ant determinau is tarifas, is alicuotas de imposta, is detratzionis eventualis, is variatzionis de is limitis de rèdditu po is tributis e is servìtziis localis, aici puru is tassus de cobertura in pertzentuali de is gastus de gestioni de is servìtziis a domanda individuali;

Cunsiderau chi, po favoressi sa partecipatzioni de su nùmeru prus artu chi si podit de alunnus, is tarifas stabilidas de parti de su Comunu funt sceti una partecipatzioni a su gastu de cada pastu de parti de is famillias, cunforma a sa cundizioni econòmica insoru;

Postu chi:

- cun deliberatzioni G.C. n. 179 de su 14/10/2009 si funt torradas a stabiliri is fàscias de rèdditu e is cuotas de contributzioni a càrrigu de is impitadoris po su Servìtziu de Ristoratzioni de sa scola de s' Infàntzia;
- cun deliberatzioni G.C. n. 13 de su 03/02/2010 s' est stabilida s'aplicatzioni de is cuotas de contributzioni finas po is impitadoris de su Servìtziu de Ristoratzioni de sa Scola Primària;

Bida sa deliberatzioni G.C. n. 3 de su 20/01/2022 cun ogetu: "SERVÌTZIU RISTORATZIONI SCOLÀSTICA – CUNFIRMA CUOTAS DE CONTRIBUTZIONI IMPITADORIS PO S' A.S. 2022-2023";

Torrada sceda de cunfirmari is cuotas de contributzioni finas po s'annu scolàsticu 2023-2024;

Arriciu parri a favori po su chi pertocat sa regularidadi tècnica cunforma a s' art. 49, c. 1, de su D.Lgs. n. 267/2000, de parti de sa Responsàbili de su Setori;

Arriciu parri a favori de regularidadi contàbili segundu s' art. 49, corriedda 1, de su D.Lgs. n. 267/2000, de parti de sa Responsàbili de su Setori Finantiàriu;

Cun votatzioni a favori cunforma a sa lei,

DELÌBERAT

De cunfirmari po s' A.S.2023/2024 is fàscias de rèdditu e is cuotas de contributzioni a càrrigu de is impitadoris de su Servìtziu de Ristoratzioni scolàstica aprovas cun is deliberatzionis de G.C. n. 179 de su 14/10/2009 e n. 13 de su 03/02/2010 po is Scolas de s' Infàntzia e sa Scola Primària, cunforma a su documentu in acàpiu a custa deliberatzioni etotu;

De decrarai chi custu provedimentu at a balli luegus etotu, cunforma a s' artìculu 134, corriedda 4, de su d.Lgs. n. 267/2000.
